

中國邊境史料通編

(秦—清)



中國邊境史料通編

(秦—清)

江蘇沿海圖說

凡例詳浙江圖說

候選州同 臣 朱正元恭撰

吳淞

衝要 極衝

鈴轄 屬太倉州寶山縣提標後營管轄

水路屬海門內洋水師營○舊制吳淞外海水師營兼管

沿海陸路屬蘇松鎮同治間改屬福山鎮專巡外海而以前所遺陸汛屬提後營近岸一帶水路屬海門營

里距 西北距寶山縣城塘路六里獅子林塘路十八里距福山水路

一百七十里通州一百九十餘里江陰二百九十餘里圖山關四百

四十里鎮江四百九十里金陵六百三十餘里北距崇明南門港五

十餘里大輪或紆繞至八九十里南距上海水路四十餘里陸路三

十餘里南距浙江鎮海海程三百七十里

水道 口門兩旁均有淺沙東有燈船西有浮筒以爲行船標準燈船

江蘇沿海圖說

吳淞

與浮筒間亦僅深三拓故吃水稍深之船須乘潮出入口內深五六拓至七八拓不等近西岸一帶均可泊船惟距吳淞鎮內約三里有淺灘潮退止深十三四尺名曰內灘海關因於西面設有傳號處以報潮汛漲落俾吃水較深之船得以乘潮過此

潮汐 朔望日潮漲於十二點二刻十分鐘大潮高一丈五尺小潮高九尺

沙礁 口外東面有崇寶大小石頭鴨窩圓圓橫沙

以上諸沙均露水面銅沙礮

襠諸沙再東有牛皮鷄骨兩礁鷄骨礁高出水面二十六尺牛皮礁大潮退後微露水面置有風笙浮筒礮沙有兩尾其向東南者於

其盡處置有鐘浮筒

鐘浮筒風蕩之則鳴風笙浮筒風吹之則鳴

城鎮 西北有寶山城內有上海城西岸有吳淞鎮

形勢 吳淞爲黃浦江咽喉西爲吳淞鎮少北礮臺在焉東岸地形如

牛角斗入海中以是口門雖壙衍而不散漫水道東淺而西深船路距礮臺不過半里可以臨流扼擊其再北南石塘一臺更能兼顧入長江水道地勢尤爲雄勝

船隻 大商船七八十號小商船二三十號大漁船二三十號小漁船二十餘號渡船五六十號

礮臺 南石塘礮臺一所光緒十二年建置八百磅彈阿姆斯脫郎前膛礮四尊一百八十磅彈阿姆斯脫郎後膛礮二尊二十一生的克虜卜後膛礮二尊九生的克虜卜後膛礮三尊四十磅彈阿姆斯脫郎車礮六尊勇一百六十二名老礮臺因已闢作通商口岸議撤東岸礮臺淺沙淤滯船路太遠久圯

勇營 光緒二十一年辦防南石塘駐盛字三營
駐盛字共六營又三營
駐獅子林詳另款
又章字營到防未久旋調防金山衛

綠營 額設外委一員無兵○吳淞外海水師營參將一員都司一員
千總一員此兩員留配輪船又守備一員千總一員把總一員外委一員艇
船二號每號兵三十二名新章外海水師以船爲家吳淞及十漊口
塘蘆港皆其暫駐所也

雜識 道光二十二年英人由浙洋移寇吳淞攻西礮臺破之遂進犯
上海○光緒二十四年患他族之逼處議自闢西岸爲通商場任各
國聚居新舊兩礮臺皆劃入界內於是議棄舊而留新以新臺能兼
顧長江口門也然既重門洞啓則指顧環臺盡屬市廛豈尙用武之
地○崇寶沙因介崇明寶山兩縣之間得名近年西面漸坍民皆徙
避海關因設檢疫所於此凡船自疫處來者須停泊候驗以免傳染
內地○大小石頭及鴨窩諸沙各有居民數百戶而以再東之橫沙
爲尤盛有小市可得魚蔬

上海

衝要 極衝

鈴轄 屬松江府上海縣提標右營裏河水師管轄

里距 北距吳淞陸路三十餘里水路四十餘里西南距松江約百里

西距蘇州二百餘里

水道 黃浦江在楊樹浦一帶闊一里餘北岸深一二拓南岸深四五

拓下海浦寬如之深三四拓虹口至闊處一里半北岸深四五拓至

七八拓南岸僅深一二拓轉灣處

即外大橋前對岸爲陸家嘴此間江面極曲水流成漩不便停泊

闊止半里深八九拓至十四五拓英法租界闊一里左右深六七拓

法租界較淺東門外闊一里深五六拓

法捕房前爲停泊外國船隻之界

自此以南

闊不及一里深五六拓至八九拓製造局前後闊至一里餘北岸止

深二三拓南岸深三四拓再南闊一里至一里餘深三四拓至五六

拓直至閩行以上不甚懸殊惟尋常輪船均止於製造局前不復上駛

潮汐 朔望日潮漲於一點半鐘大潮高一丈一尺小潮高七尺

沙礁 自楊樹浦以外西岸一帶均係淺沙直至海關傳號處始盡舟行須近東岸距傳號處東南七里有沙

名江心沙

已露水面

城鎮 上海自通商以來城北一隅之地各國於此駐領事設洋行南北船貨如水歸壑地方繁盛甲於各省駸駸乎與香港並駕齊驅矣形勢 上海雖濱海一邑之地內爲長江之筦鑰外爲南北之樞紐自各國雜處日久遂成互相牽制之勢洵他族之淵藪海市之總匯也船隻 本處沙船三十餘號漁船一百餘號雜船四百十號此外中西船之停泊者輪帆蔽江不可數計

勇營 光緒二十一年辦防除原駐南馬頭之滬軍一營及製造局東

面之礮隊一營外復添派滬軍左右兩營振武一營湘軍一營分駐

日暉港徽甯會館

時原駐徽甯會館之信字營調防川沙○該處見駐奇兵營

龍華等處

綠營 額設參將一員

舊制營官係遊擊道光二十二年開關通商地方日益繁衝因改設參將

陸防守備

一員千總一員外委一員兵裁存一百十六名水師千總五員把總

五員外委九員舢板船十九號每號兵十二名督陣船一號

雜識 道光二十二年英兵既破吳淞分水陸進犯陸兵由寶山殷家

行犯北門陷之復以三兵輪溯黃浦江而上過閔行水淺乃止數日

踞上海之英人亦登舟去蓋進窺長江也是年江甯立約上海遂爲

五口通商之一闢城北一帶爲租界○咸豐間粵匪下竄大江以南

幾無完土賴上海無恙得以徵兵籌餉輾轉十年次第削平

寶山 小沙背附

衝要 極衝

鈴轄 屬太倉州寶山縣提標後營管轄

水路屬海門內洋水師營

里距 東南距吳淞鎮塘路六里南距上海縣城陸路四十里西北距獅子林礮臺塘路十二里西北渡崇明南門港江面五十里大船或紆繞至八九十里

水道 寶山與崇寶沙間

名南水道

深七八拓塘外深三拓輪船常行水道

距岸約三里

潮汐 朔望日潮漲於十二點二刻十三分鍾大潮高一丈四尺小潮高八尺

沙礁 東北有崇寶石頭諸沙

城鎮 寶山爲東南名邑然富厚之家世居於鄉故城中氣象極形衰

〔卷之三〕 寶山

五

落

形勢 東南爲吳淞西北爲獅子林均建臺置戍兩處相距十餘里帶海爲塘寶山西北之小沙背介乎其間外有餘地可以涉足須防抄襲

船隻 漁船二十餘號

勇營 光緒二十一年辦防城東南隅一營小沙背三營

綠營 額設千總一員兵六名

雜識 道光二十年及二十二年英人連寇吳淞縣城及小沙背俱戒

嚴
縣城陷
二十二年

獅子林

衝要 極衝

鈴轄 屬太倉州寶山縣提標後營管轄

水路屬海門內洋水師營

里距 東南距寶山縣城塘路十二里距吳淞口塘路十八里西北距福山水路一百五十餘里東北渡崇明南門港四十里大船或紆繞至百里

水道 北有暗沙攔阻故入江水道寬不及十里中間深七八拓輪船常行水路距岸約四里

潮汐 朔望日潮漲於十二點三刻五分鐘大潮高一丈四尺小潮高八尺

沙礁 東有崇寶石頭諸沙北面一片暗沙與佛壽沙相連

城鎮 東南有寶山縣城

形勢 長江口水道爲崇寶沙歧而爲二至此復合北有淺沙攔阻亦
長江口一小收束惟船路稍遠礮位尙少難期得力

礮臺 獅子林礮臺光緒十六年建置八百磅彈阿姆斯脫郎後膛礮
二尊二百五十磅彈阿姆斯脫郎後膛礮四尊十二生的克虜卜護
臺礮二尊勇一百二十三名

勇營 光緒二十一年辦防礮臺左右駐盛字三營

崇明

衝要 極衝

鈴轄 屬太倉州崇明縣蘇松水師鎮標中營管轄

水路屬右營內洋水師

里距 自縣治東南對渡吳淞口五十餘里中間爲佛壽崇寶諸沙所阻大輪紆繞至八九十里北渡惠隆諸沙皆十里

水道 從前大輪進出長江口均由南水道

崇寶石頭諸沙以南爲南水道北爲北水道

近

年探明北水道亦深三拓以外故由南洋至者仍由南水道由北洋至者改由北水道船路較近自十漊以西至南門港深自三四拓至五六拓不等且距岸甚近南門港以西則爲沙攔阻不能通行崇明北面水道有深至八九拓尙未及底者惟淺深不一其東西兩端潮退僅深八尺左右卽西圖所謂假水道也

潮汐 十漊口朔望日潮漲於十二點十一分鐘大潮高一丈二尺半

小潮高九尺

沙礁 近縣城前有佛壽沙東南有崇寶石頭諸沙崇明東西兩角均有沙尾入海甚遠北面淺沙尤多

島嶼 東有佘山東南有花鳥綠華野貓洞壁下陳錢枸杞四礁黃龍大洋山小洋山諸島

城鎮 縣城因海岸逐年崩坍西南隅距海僅四十餘丈全城岌岌可危近經築堤障護賴以無恙

形勢 長江口門極廣自有崇明中流扼要水道遂分爲二北面淺沙節阻輪帆均難行南面從前輪船出入在崇寶石頭諸沙以南距崇明尚遠近經海關查明北水道亦可行駛

北水道係指崇寶諸沙以北

輪路遂逼

近崇明若於二激至七激一帶酌建礮臺既足自固亦可兼顧入長江水道惟土質浮鬆工費較巨耳

船隻 大商船十餘號漁船七十餘號小船一千餘號

礮臺 當沙頭港西岸磚礮臺一所康熙三年建歷次辦防均加修築
見置土礮六尊又土礮臺一所光緒十年建已圯

勇營 光緒二十一年辦防新開河一營堡鎮一營四漵一營六漵二
營八漵一營桂林殿一營

綠營 額設總兵一員中營外海兼陸路遊擊一員都司一員守備二

員水陸各一千總三員水一陸一把總五員水一陸四外委六員水一陸五陸防兵

一百八十三名艇船二號每號兵三十二名左營外海水師遊擊一
員守備一員千總二員外委一員艇船二號每號兵三十二名右營
遊擊一員都司一員千總二員把總四員外委五員領江船十二號
每號兵十六名

雜識 道光間英人寇吳淞常以兵輪遊弋海上間或登岸擄掠以志